

Daardörslippt

U pamen. „Nadia“ weer nich so leep. En gewöhnelke Störm. So wat sünd wi as Volk an de Nordsee wenn. De Windbüx verleden August in Grootheid is in Handumdreihen slimmer tokehrgahn.

Man daar blifft en mall Gefühl na. Up de Eilannen sünd groot Stücken van de Strand wegsöölt worden.

De groot Dünen, de de Drinkwaterlinsen Schuul geven, sünd in Gefahr. Well beoogt hett, wo lang dat anhollen hett, bit disse Dünen up Langeoog weer starker maakt weren, kann sük denken, dat de Schuul van de Eilannen in Tokummst noch temelk düür un langdrahdig wor-



Cornelia Nath

den kann. De Eilannen sünd en Soort Rookmeller för Oostfreesland. Wenn dat daar priekel word, sullen de Minsken up 't faste Land wahrschaut wesen.

Bit nu hebben wi in Oostfreesland noch nich vööl Last mit de Klimawannel hatt, man bi elke Störm löppt stillkens de Gedank mit, of dat dit Maal ok woll weer glückelk utgeiht. Bit nu weer dat normaal, dat dat, wat dör en Störm verneelt word, bi de Versekern mell un weer upboot worden kann.

Wenn wi nett keen Boom up de Kopp kregen hebben, kunnen wi uns seker föhlen. De Floodkatastrophen in dat Ahrtal un an de Elv of Windbüxen mit grote Kracht hebben wesen, wo gau de Schaa over dat gewohn Maat rutgahn un Minsken in depe Nood stöörten kann. Dat hett alltied Katastrophen geven un

elkeen weet, dat dat keen hundertperzentige Sekerheid gifft in 't Leven, ok wenn wi daar nich so geern an denken. Wi weten ok, dat nich alls dör Geld weer goodmaakt worden kann un de Staat ok nich för alls betahlen kann – man is uns dat bewusst?

För dat, wat dör de Klimawannel up uns daalkummt, bruken wi en gode Fүүrwehr un en gode Schuul vör Katastrophen. Wi bruken Freeiwilligen, de mithelpen. An all Kanten word dat Ehrenamt weer belangrieker. Togliek klagen Verbannen un Verenen, dat se to minn Nawass finden.

Hier sitt wat scheev in uns Gesellskupp. Hebben wi uns Kinner un Kindskinner dat düdelk maakt, dat man nich alls kopen kann un dat wi alltied daarmit reken mutten, dat wi up de Hülpe van anner Minsken

KOLUMNE

Moin, Moin
Schrievers moje
allerbest hoop
Pläseer **Vertellsel**
Smüstern

Platt maakt

anwesen sünd? Hebben wi hör dat seggt, dat Gesellskuppen blot dann good lopen, wenn de Minsken de groot Upgaven mitnanner angahn? Mitnanner sünd wi so vööl starker as elk för sük alleen.

Elke Dag beleven wi in 't Lüttje, dat freeiwillige Hülpen en Glücksfall sind. Mutten wi eerst sülvst in Nood raken, bit wi begriepen, dat Minsken nanner bruken? Un dat vörsorgen amenn minner köst as nahst de Schaa weer goodtomaken?